

KANNEN SANT BÉHO

Ton : *Lez-Breiz*

Diskan.

Kañnamb, Priziakiz, kannamb a galon :
Gloér de Sant Bého, gloér d'hor Sant patron.

I

É bro Iverzon Bého oé gañnet
Ha d'ur garg ihuel kredabl oé saüet ;

§

Mes en inourieu, er madeu eüé
Aveit é inean oé treu didalvé.

§

Un noz, dré é gousk, e kleu boèh un El
E laré dehon : « Saüet, den Santel ;

§

« Dilezet hou pro, trézet prim er mor,
Kerhet hemb dalé de zoar en Arvor.

§

« Inou zou ui bobl, kanbrér d'hou hani,
Dalhet get Satan édan é vili : —

§

« Douget d'er bobl-sé, eit plijein de zoué,
Aviél Jézus ha sklerdér er fé.

« Pebéh gopr vou doh, pebéh kouronen
Gounid Arvoriz d'er lézen gristen ! »

II

Sentus oé Bého hag e ias kent pel
Tremak en Arvor, bremen Breih-izel.

§
Ar audeu Penmarh, revé lar er vrud,
E toaras bourabl dré vrasan-burhud :

§
Inou e tiskas d'en dud karein Doué
Dré bredégeu kaër, dré skuir é vuhé ;

§
Tréguennek goudé ha hoah mar a léh
E dañhoas er frond ag é santeléh ;

§
En ur menati, tost de Lesneven,
E inean get péah guitas er bed-men.

III

Sent kouh e garamb, inour ag hor bro,
Ni gont én hou mesk hor patrén Bého.

§
Sent Léon, Guénéd, Tréger ha Kerné,
Genoh e stréùas had er huirioné ;

§
Genoh-hui e hras d'hor hambroiz ker
Plégein ou deuhlin dirak hor Salver.

Più larou er vat e hras d'hon tadeu
Dre é zeskemant hag é vértuieu?...
§

Mar domb hoah fidél, ni ou bugalé,
D'é sekour nerhus laramb trugairé.
§

Dré é hoarnasion, ni hon es miret
Ou fé, ou hreden hemb fari erbet ;
§

Ni zou el dehé kreñv d'en hum zioual
Doh brezel Satan, doh é ardeu fal ;
§

Ni hon es dré-z-han konfort ha grèseu
De viùein dibéh, kreis hon trebilleu.
§

Laramb ol enta : Bennoh ha grad-vat
D'hor patron Santel aveidomp ken mat !
§

Ar é skuir atañ, re véemb ol gredus
De blégein de Zoué, de garein Jézus, —
§

Ha ni vou geton, barh en néan, un dé,
El hor gourdadeu Sent breihad eùé.

Mat de vou mollet

E. Guénèd, en huéh a viz mehuén 1911.

J. LE GUÉNÉDAL, v. j.

